

# STARFSLEYFISSKILYRÐI FYRIR

## loðdýrabú

*Samræmd starfsleyfisskilyrði vegna mengunarvarna, sbr. 8. gr. reglugerðar nr. 550/2018 um losun frá atvinnurekstri og mengunarvarnareftirlit, með síðari breytingum. Sjá einnig auglýsingu nr. 582/2000 um lista yfir mengandi starfsemi þar sem ekki er krafist ítarlegrar starfsleyfisgerðar.*

### 1. ALMENN ÁKVÆÐI OG GILDISSVIÐ

		Rgl.nr.	Uppfyllt
1.1	Starfsleyfisskilyrðin ná yfir öll loðdýrabú, s.s. kanínubú, minkabú og refabú.	550/2018 5. gr.	
1.2	Rekstraraðili skal taka upp innra eftirlit þar sem jafnóðum eru skráðir eftirfarandi þættir starfseminnar: <ul style="list-style-type: none"> <li>a) Fjöldi loðdýra (læður, ungar og högnar).</li> <li>b) Fjöldi sláturdýra og sjálfdaudra dýra.</li> <li>c) Fjöldi strokudýra.</li> <li>d) Tæming þróa, dagsetning losunar og áætlað magn skíts.</li> <li>e) Förgun úrgangs sem til fellur og áætlað magns úrgangs, þ.m.t. hræ og lyfjaleifar.</li> <li>f) Mengunarslys sem kunna að verða, s.s. ef þró yfirfyllist.</li> <li>g) Skráning á frávikum og viðbrögðum með þeim.</li> </ul> Innra eftirlit og skráningar skulu vera aðgengilegar heilbrigðisfulltrúum.	550/2018 8. og 57. gr.	
1.3	Lyf, lyfjaleifar og hættuleg og varasöm efni skulu geymd í læstri og loftræstri geymslu. Lyfjaleifum og spilliefnum skal jafnóðum komið til viðurkenndrar spilliefnamóttöku.	888/2015, lög nr. 61/2013, rgl. nr. 737/2003 og rgl. nr. 806/1999	
1.4	Eintak af skilyrðum þessum og viðkomandi lögum og reglum skulu ávallt tiltæk á vinnustað.	550/2018 8. gr.	
1.5	Tilkynna skal viðeigandi heilbrigðisnefnd ef starfsemi rekstraraðila er lögð niður eða ef breytingar verða á rekstrinum.	550/2018 13. gr.	

## 2. MENGUNARVARNIR OG BÚNAÐUR

		Rgl.nr.	Uppfyllt
2.1	Nota skal lokuð og vökvaheld flát við tímabundna geymslu dýrahæja og flutning á förgunarstað. Förgun á dýrahæjum er einungis heimil á förgunarstað sem hefur til þess starfsleyfi. Þó er heimilt að brenna sóttmenguð dýrahæ í þar til gerðum brennsluofnum, sem samþykktir eru af heilbrigðisnefnd.	737/2003	
2.2	Þess skal gætt að meindýr og varfugl komist ekki í æti eða fái þrifist í og við loðdýrabú.	737/2003 16. og 17. gr.	
2.3	<p>Dýraskít, hálm og hey úr loðdýrabúum skal meðhöndla á þann hátt að ekki skapist smithætta við að nýta afurðina sem áburðarefni að mati Matvælastofnunar. Við nýtingu skal uppfylla eftirfarandi skilyrði:</p> <p>a) Að fyrir liggi samþykkt framkvæmdaáætlun um dreifingu þar sem m.a. kemur fram áætlað magn, dreifingartími, dreifingarstaðir og samþykki landeiganda, sé rekstraraðili ekki eigandi lands.</p> <p>b) Að ekki sé hætta á að dreifing valdi mengun í vatnsbólum eða í yfirborðsvatni.</p> <p>c) Að tryggt sé að dreifing valdi ekki öðrum óþægindum eða ama s.s. vegna lyktar eða óþrifnaðar.</p> <p>d) Að fylgt sé þeim sértæku kröfum sem heilbrigðisnefnd setur dreifingunni s.s. er varða tímatakörk og magn á flatareiningu o.þ.h. sbr. leiðbeiningar um góða búskaparhætti sem m.a. má finna á heimasíðu Umhverfisstofnunar.</p> <p>Sé meðhöndlun á skít, hámi og heyi ekki nægjanleg að mati Matvælastofnunar til að koma í veg fyrir smithættu skal farga þessu á viðurkenndum urðunarstað. Sama gildir ef ekki er hægt að nýta meðhöndlaðan skít, hálm og hey samkvæmt liðum a.-d.</p>	737/2003, rgl. nr. 796/1999, rgl. nr. 787/1999 og rgl. nr. 804/1999	
2.4	Óheimilt er að dreifa skít á stöðum þar sem hann getur mengað læki, ár, eða vatnsból.	796/1999 5. gr. og rgl. nr. 804/1999 5. gr.	
2.5	Geymslu skít frá loðdýrabúum skal þannig fyrir komið að ekki sé hætta á mengun í vatnsbólum eða í yfirborðsvatni. Þurrskít skal geyma fram að dreifingu á þann hátt að ekki sé hætta á útskolun, t.d. með yfirbreiðslu. Blautskít skal geyma í safnþró fram að dreifingu. Um gerð þróar er vísað til starfsreglna um góða búskaparhætti.	796/1999, og rgl. nr. 804/1999	

2.6	Ef yfirfall er á safnþró skal það fara í siturlögn í samræmi við leiðbeiningar Umhverfisstofnunar.	798/1999	
2.7	Safnþrær, fráveitur og geymslur fyrir úrgang skulu vera í samræmi við kröfur heilbrigðisnefndar. Af loðdýrabúum getur stafað lyktarmengun. Ef í ljós kemur að loftmengun eða ólykt frá starfseminni veldur fólki á nærliggjandi landareignum óþægindum, er heilbrigðisnefnd heimilt að krefjast sérstakra aðgerða.	787/1999, rgl. nr. 737/2003 og rgl. nr. 798/1999	
2.8	Hvers konar urðun eða brennsla á úrgangi, þ.m.t. dýrahæjum, á athafnasvæði rekstraraðila er óheimil.	737/2003	

**Starfsleyfisskilyrðin eiga sér m.a. stoð í eftirfarandi lögum og reglugerðum með síðari breytingum:**

Lögum nr. 7/1998 um hollustuhætti og mengunarvarnir, lögum nr. 55/2003 um meðhöndlun úrgangs, efnalög nr. 61/2013, reglugerð nr. 888/2015 um skráningu, mat, leyfisveitingu og takmarkanir að því er varðar efni (REACH), reglugerð nr. 737/2003 um meðhöndlun úrgangs, reglugerð nr. 798/1999 um fráveitur og skólp, reglugerð nr. 787/1999 um loftgæði, reglugerð um varnir gegn mengun vatns af völdum köfnunarefnissambanda frá landbúnaði og öðrum atvinnurekstri